

Ихтиёрий садақа



16:00 / 01.09.2021 4171

Бошқа ибодатлардаги каби, садақа ва хайр-эҳсонда ҳам фарзу вожибдан кейинги ўринда ихтиёрийси туради. Албатта, садақанинг бу тури ҳам соҳибининг ўзига катта фойдалар келтиради.

«نَا: لاق ملسو هيلع لىل صي بِن ل ا ن ع ن ع ل ل ا ي ص ر س ن ا ن ع
ي ذ م ر ل ا ه ا و ر . ء و س ل ا ة ت ي م ن ع ع ف د ت و ب ر ل ا ب ص ع ك ف ط ل ل ة ق د ص ل ل ا

Анас розияллоҳу анҳудан ривоят қилинади:

«Набий соллаллоҳу алайҳи васаллам:

«Албатта, садақа Роббнинг ғазабини ўчиради ва ёмон ўлимни даф қилади», дедилар».

Термизий ривоят қилган.

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Қай бир киши ҳалол-поқдан садақа қилса, Аллоҳ ҳалол-поқдан бошқани қабул ҳам қилмайди, албатта, Раҳмон у(садақа)ни ўнг қўли билан қабул қилиб олади. Агар у бир дона хурмо бўлса ҳам Раҳмоннинг кафтида ўсади. Ҳаттоки тоғдан ҳам катта бўлиб кетади. Худди бирингиз тойчоғи ёки бўталоғини тарбия қилганидек», дедилар».

Бешовларидан фақат Абу Довуд ривоят қилмаган.

Термизий:

«Бунинг тасдиғи Аллоҳ азза ва жалланинг Китобидадир: «Аллоҳ рибони нобуд қилур ва садақаларни ўстирур»ни зиёда қилган.

دَابِعْ لِحَبِصِي مَوِيْنَمِ اَمْ: لَاقِ مَلَسُو هِيْلِعِ لَلِصِيْبِ لَلِاِنْعُوْنَعُو
لُوقِيْ وَاْفَلَحَ اَقْفُوْنُمِ طَعْمُ لَلِاِمْمُوْنِ: اَمُّ دَحْ لُوقِيْ فَنَازِنِيْ نَاكَلَمِ اَلِاِيْفِ
يُئِاسِّنْ لَ اَوْنَاخِيْ شَلِا اَمُّ اَوْر. «اَفَلَتِ اَكْسُمُ مَطْعَمُ لَلِاِمْمُوْنِ: رَحَّ اَلِا

Яна ўша кишидан ривоят қилинади:

«Набий соллаллоҳу алайҳи васаллам:

«Бандалар тонг оттирган ҳар бир кунда албатта икки фаришта нозил бўлади. Улардан бири: «Аллоҳим! Инфоқ қилувчига ўринбосар бергин», дейди. Иккинчиси эса: «Аллоҳим! Мумсикка йўқотиш бергин», дейди», дедилар».

Иккисини икки Шайх ва Насоий ривоят қилишган.

Садақа эса сиртдан молнинг озайишига ўхшаб кўринса ҳам, аслида, Аллоҳ таоло садақаси берилган молни баракали қилиб қўяди. У эгасига юқади, бахт-саодат келтиради ва бало-офатлардан сақлайди.

Садақа ва хайр-эҳсон берувчи қўл яхши қўл, баракали қўл, хайр-эҳсонли қўл, ҳаммининг ҳавасини келтирадиган, Аллоҳга ва Унинг Расулига хуш келадиган қўлдир.

«Руҳий тарбия» китобидан